

FERDINANDO RUSSO

# 'O CANTASTORIE

NAPOLI

**Luigi Pierro editore**

Piazza Dante, 76

INDICE DEI CAPITOLI

Pag.

Russo, Ferdinando

fo cantastorie

'O Cantastorie

Sonetti recitati nel Circolo Filologico di Napoli

domenica 13 gennaio 1890

---

Tipi Cav. Aurelio Tocco — S. Pietro a Maiella, 31.

# 'O CANTASTORIE

Nun ve credite, già, eh' è robba nova!  
Chesta è na giacchettella arrevutata!  
Aggio ditto:—Vedimmo si me giova  
na botta, na stirata e na sgrassata!

Quacc' amico m' ha dato na vuttata,  
quacc' ato ha ditto: —Fallo pe na prova;  
'a faccia tosta steva appreparata,  
na passatella, e mo' se schiude 'a cova!

Uocchie nire, uocchie 'e mare, uocchie cianciuse,  
faccelle, ca chi sa che v' aspettate,  
primma d' accummincià ve faccio 'e scuse!

Sta rrobba nun s' accatta e nun se venne,  
ma si po' arrasso sia, vuie ve' seccate,  
susiteve, 'mparanza, e ghiatevenne!



— *Ecco Linardo in campo! E palatino!  
'O palatino 'e Francia cchiù pputente!  
Teneva nu cavallo, Vigliantino,  
ca se magnava pe grammegna 'a gente!*

*Comme veveva, neh! Na votta 'e vino,  
na rotta sana, nun le faceva niente!  
Nu surzo sulo, nu varriilo chino!...  
E se magnava 'e zzeppole, vullente!*

*Po' tenera na spaia, Durlindana!  
Uh ffiglio 'e Ddio, e che poco 'ammuina!  
Se sape! 'A maniava chella mana!*

*Na notte, pe passa d' 'a Francia 'a Spagna,  
chisto Linardo neh, che te cumbina?  
Caccia sta spata, e taglia na muntagna!*

*II.*

*N'ata vota, passanno pe nu campo,  
vede 'a Imitano na cosa lucente!...  
“Neh, che sarrà, fa isso, lampo?  
Se trattasse 'e quaccosa malamente?... „*

*Erano turche! E nun ce steva scampo!  
Erano cchiu de mille e cincuciente!  
“'A bbona 'e Ddio! fa isso, o moro o campo!  
Cca sta Linardo! Il cavalier possente! „*

*Stivano 'e turche tuttuquante armate!  
Curazze e scute d'acciaro strofino,  
da ll' Amustante 'e Persia cumannate!*

*“Hanrì 'a fa festa! „ Linardo pensaje;  
dette na sperunata a Vigliantino,  
cacciate 'a spata, e nnanze se menaje!*



*III.*

*“Io ve saluto! Carugnune belle!  
Uè dicette Linardo, comme state?  
Ve voglio fa magnà vrenna e sciuscelle!  
Venitevenne, va, gioie d' 'o frate!*

*M'avite fatte troppo 'e farenelle!  
Pure sotto, me site capitate!...  
Nne voglio fa tammurre, 'e chesti ppelle!  
Salutammo fratié! V'aggio ncucciate!...*

*E rotiando il bracci con la spata,  
Se mena 'e capa sotto mmiezo a Ilore  
e n'accedette mille, una vutata!...*

*“Non v' eri alcuni alla corte di Frangi  
ca di costui facesse cchiù remmore!  
Terribil spati, e più terribil langi! „*

*IV.*

*Nu ggiagante 'o tema pe nu pupazzo!  
Nun te rico 'e facchine r' 'a Rugana!...  
S' 'e mmetteva int' pippa pe sullazzo!...  
Una fumata, 'a Caravana!*

*E po', na forza!... Cose 'e fa asci pazzo!  
Na vota s' appuiaie cu na mana,  
pe na cosa} vicino a nu palazzo...  
'A casa jette nterra sana sana!*

*Si sulo te tuccava t' accedeva!  
'o terramoto, quando cammenava!  
'A fine 'o munno} quando cumbatteva!*

*Sentenno sulo 'e passe, se tremmava!  
E che bberive! E comme se fuieva  
quann' isso mmiezo 'e gguerre se menava!*

V.

*Era pure nu poco marinaio!  
Menava 'o rangio, e jeva bello overe!  
Che ne vuò fa 'e guagliune 'e copp' 'o Muoio!  
E tanno t'o ffaceva ogne gguarriere!*

*Alla ventura andava sempre solo!  
Sulo c' 'a spaia! Liggere liggere!  
Guagliù, che bella crema 'e palazzuolo!  
Mo' nun se vere manco c' 'o penziere!*

*Gente, ca pe nn'avè n' infanzia bona,  
S' hann' a' veré o triate 'o ronna Peppa!...  
Jescene pupe, llà!... 'Mprucessiona!...*

*Vuie 'e ssapite!... Cu 'e ccurazze d' oro  
Menano botte senza fa na zeppa!  
Core e curaggio, teh!... Viate a lloro!...*

VI.

*Tanno l'Italia, 'a Francia, 'a Lombardia,  
stevano 'nguerra cu Cane 'e Maganza,  
ch'era overo nu cane 'e massaria,  
'o meglio traritore r' 'a paranza!*

*Guardate: pe ccapì ll'irea mia....  
Si ll'avesse ncuntrato l'Ambulanza  
t'ò purtava adderitto 'a Vecaria  
p' 'o fernetta dint 'a cchiù mmeglia stanza*

*Ma 'o bello sa' qua' era?... Carlomagno,  
'o mperatore 'e tutte 'e palatine,  
cca è stato e sarrà sempe un papagno,*

*steva a sentì tutt'e cunziglie 'e Cane,  
ca cu chell'arte 'e giesuvito fine  
llé risgustava 'e meglie crestiane!*

VII.

— *Ma comme! Tuttuquante 'e macanzise  
so' trariture?—È na fatalità!...*

*Song' una razza!...—Ma songo francise?...*

— *Francise? E statte zitto! Stente llà!...*

— *Guè!... Nun v'appiccecate!... Avite ntise?*

*Si no... comme me pozzo allicurdà?*

*Chesta è na storia mmesurata a ppise...*

*Tuocche 'a valanza.... e m'a faie abbuccà!*

— *A bbuoni conte, è na spiecazzione....*

*Io po' che v'aggio fatto?... N'addimanna!*

*Pe ne tene na mente.... na raggione...*

— *E siente a me! Chest'è na storia granita;*

*viene ogne ghiuorno e fànce attenzione!...*

*Pava 'e ri' sorde! E allora, po' cumanna!*

VIII.

*Basta, p'abbrevià, nu bello juorne  
pe lliguardo a stu Cane, 'e 'palatine  
lassano a Carlo mmiezo a li taluorne  
e correno pe vuosche e pe mmarine.*

*E Carlumagno, sbruvignato 'e scuorne,  
a mmenacciato da li sarracine,  
cerca n'aiuto a Cane, e manna attuorne,  
e v'assicuro, steva ncopp"e spine!*

*Ma 'o Macanzese, cuglienzo 'o aumento  
che Carlo in Frangi sta stilo tremmano,  
scappa, va a cumbinà nu reggimento,*

*s'aunesce c' 'o Surdano d' 'a Turchia,  
e marcia su Parigge murmuranno:  
— Mo sta chiuvenno dint' 'a terra mia!*

*IX.*

*Linardo, Astolfo, Orlando e Ricciardetto,  
cu Guido e Bradamante se ne vanno  
tutte a cavallo. È lucido, l'elmetto...  
E p' 'a strata se vanno allamentanno.*

*—Nun ce turnammo cchiù!...Pe nu dispietto!  
Currimmo a la ventura tutto Vanno!  
Che fa?... 'O lassammo sulo, a pietto a pietto  
cu Cano! I' che starranno cumbinanno!*

*Ed Astolfo aggiungea: — Povera Pranza!  
'A veco e 'a chiagno!... Cu chella mazzamma!..  
Che te ne faciarrà, Cano 'e Macanza!...*

*Ma Orlando tagliaie curto: Io tengo famma!..  
Se cammina 'a trent'ore, a tutta ordanza!..  
Facitelo pe chella Bella Mamma!...*

X.

*Magnammo, guvernammo sti cavalle,  
e doppo po', parlate 'e chi vulite!...  
Mo' m'accattasse na sporta 'e taralle  
e 'a sbacantasse mentre vuie chiagnite!...*

*Dice Linardo: — E addò truvammo 'e stalle?  
Addò, na cantenella?.. T comme site  
gentile!... Avite fatte 'e ffacce gialle!....  
Iammo nnanza!... Ma scuorno ne tenite?*

*Curaggio!... 'A primma frasca ca truvammo,  
scennimmo e nce magnammo na casetta!  
Mò è tiempo 'e cammenà!... Va, cammenammo!*

*'A strata è chesta, e nun ce stanno viche!...  
Starnino ancora 'o ppprincipio e nce lagnammo?  
Simmo, o nun simmo cavaliere antiche?!...*



*XI.*

*Iettene nnanza pe n'ati ttre ore...  
Spuntava 'a lima 'a coppia na muntagna.  
Diceva Orlando, spugnato 'e sudore:  
—Io nun capisco, ccà, quanno se magna!*

*St'atu Linardo!... Fa sempe 'o duttore!...  
Se vularria lagnà, ma nun se lagna!  
Ma che se tratta 'e perdere l'annore  
si vene 'o desiderio 'e na lasagna?*

*Si chillo tale, pe quatto lenticchie  
vennette a 'o frato 'a primma giuventù,  
io pe nu paro 'e solde 'e cannulicchie,*

*pe na fella 'e timpano o de sartie,  
e pe vèverne 'e vino uno o dui sicchie,  
me vengo tutto chello che vuò tu!*

*XII.*

*Camminano, accussì, passano 'a notte,  
'a notte appriesse, e tutt'o juorno appriesse!..  
Veneva n'ommo cu cierti rricotte;  
Orlando 'o chiamma:—Bell' o'! C" o permesse!*

*Dimme na cosa... 'e vvinne, sti rricotte?  
— Gnìernò, signò... Pe me.... fosse ll'istesse...  
Vengo 'a Castiellammare a ossa rotte....  
V' 'e desse tuttuquante, si putesse....*

*Ma l'aggia purtà 'o sinneco 'e sta terra,  
ca oggi è 'o nomine saio—Comme si chiamma?  
—Chisto è 'o buglietto: don Pascale Guerra...*

*—Guerra? E nun me canusce?... E miette ccà!...  
Guerra songh' io!... E tengo pure fantina!...  
Tenite spicce?... 'O voglio rialà!....*

*XIII.*

*'A cumparza 'e chist'ommo beneritto  
fide buono àurio a chilli cavaliere.  
Vutava 'a strata, e propio dint' 'o sfritto,  
pàffete! 'E faccia steva 'o canteniere!*

*— Chisto, mò è certo, nce 'o fa, nu zuffritto!  
dice Orlando; e se 'mmocca cu 'e guarriere.  
— Che cumannate?... — Na cosa.... nu fritto  
na zuppa, addò nce azzecca nu bicchiere!..*

*— Faccio na meza purzione a ttesta?...  
— Na meza?... Tu qua' meza vai cuntanno  
Si rrobba nun ne tiene} 'e fatto festa!...*

*'E palatine magnano a ccantàre!  
Tu nun te spicce manco pe n'at'anno...  
Sti ffamme ccà? cheste so' famme rare!*

*XIV.*

*E se mette a magna chello che trova,  
e se veve acqua, vino e sciacquatura.  
P' 'o canteniere chesta è rrobba nova,  
e guarda, stingenato d' 'a paura!*

*'O cacciavino piglia trecient'ora  
fa na frettata e 'a porta meza crura...  
Strilla Linardo appena mmocca 'a prova:  
— Chisto l'ha fatto pe repassatura!...*

*L'afferra pe na recchia, e 'a miezo 'a strata  
tant' auto 'o metta, comme 'o libbro conta,  
ca da lu cuorpo II' anema è scappata!...*

*Po' trase dinto, e 'a tavula s' assetta:  
— Sa' che buò fa, patrò? pe na suppona,  
portamella, sta meza lasagnetta!...*

XV.

*Dinto a nu terzo c' ora hanno magnate  
quanto se po' magna nu riggimente!  
70 canteniere, sempe stralunate,  
nun ne capeva propio 'o rieste 'e niente*

*— Chiste, penzava, so' ggente affatate!...  
Mamma, e comme faticano cu 'e diente  
Da quanto tiempo stevàno affamate?...  
Overo chiste so' d' 'o Cincuciente!...*

*Io mo' stevo c' 'a capa; ca surtanto  
dint' all'Opera 'e pupe, accumpareva  
'o palatino ca magnava tanto!...*

*E quann' Orlando, appena sazziato,  
l'addimannaie 'a nota a quanto jeva,  
dicette;—Io nun voglio essere pavato!...*

XVI.

*Mo' nce vo' 'o fatto, m' abbasta l'annore  
c' ave servato 'e Palatine 'e Frangia!...  
Dice Linardo: — Ebbrauo 'o professore!...  
Guagliù! chisto se mmèreta na mangia!...*

*Che lle vulimmo dà?... Nu mperatore  
nfilato, vivo vivo, int' 'a na langia?...  
'O vulesseme fa Cuvernatore  
de quacche terra?... Embè... uno s'arrangia...*

*— No, no, dicette Orlando; a chisto lloco  
l'annummenammo Rre d"e canteniere!...  
Pigliarne nu tezzone 'a dint' 'o ffuoco...*

*'O canteniere lle porta 'o tezzone,  
Orlando 'o stuta dinto a nu bicchiere  
e scrive nfaccia 'o muro sta canzone:*

*XVII.*

*«Trasite 'a rinto, ca 'o bicchiere è buone,  
e 'a cantenera è meglio c' 'o bbicchiere!  
Appicciate nu cippo a Sant'Antuone,  
ca 'o fatto, si se conta, nun se credere!*

*Auto che Pazzariello a conte e a suone!  
Ccà tutt' 'a rrobba, e geniale overe!  
'A carnacotta, 'o cèfaro, 'o mozzone...  
Chesta è 'a meglia cantina r' 'o quartiere!*

*Ma c'hanno fatto? 'A dimustrazione?  
Teh! Guardate che folla nnanzo lloco!  
S' è arrevutato tutto 'o Casalone!...*

*Zitte, ca nce trasite a poco a poco!...  
E quanno state nfaccia 'o maccarone,  
m'avite 'a fa 'a finezza 'e vasà 'o cuoco! „*

*XVIII.*

*Avite ntiso o no? Erano 'a gente  
ca l'avisse vasate sott' 'e piere!...  
L'ebbreca 'e mo? Nun n'è rummaso niente!  
Mo, tuttuquante, songo cavaliere!...*

*Valle a cuntà!... Cantale a dente a dente,  
e arrivece sultanto c' 'o penziere!...  
Fummo, mpieche, denare... e po', va stente  
Vanno a fernì mmiezo 'e carrubbeniere!*

*Pigliate 'o fatto r' 'a Banca Fumana!...  
Bastava ca Linardo accumparesse,  
ncopp' 'o cavallo, cu na langia mmana!*

*Sulo a senti ll'addore... 'e pesce fritto,  
accumminciava a dispenzà cunesse,  
e nce 'a tagliava, 'a capa, a stu Giulitto!*



*XIX.*

*“ Or Carlo Mano avea sperito un messo,  
(se rice, come fosse, nu carriere,)   
che cercasse di Cano ampreso ampreso  
per colline e foreste e per riviere!*

*Pe fa capì: Carlo mannaie nu spresso  
ca lle truvasse a Cano da Pontiere,  
ca il regno se truvava cumprumesso,  
ammenacciato 'a Finterei guarriere!*

*'A lettera riceva: — “o rolce Cano  
vieni a dar soccorranza al tuo Magnate  
lasciato sol dall'oste crestiano! „*

*Ma Il'oste mo', nun era 'o tavernaro!  
Se chiammava oste 'a truppa r' 'e surdate,  
e 'o Magnate era Carlo, a parla chiaro!*

XX.

*Ritornò il messo a Carlo Mano in Franza  
e puntai sta mmasciata: "Inclito sire!  
Stanno venenno ccà dalla Macanza  
trecentumilia fanti, e pien di ardire!*

*E pien d'ardire e pien di ordacotanza!  
E nce stevano 'e Turche nire nire....  
E sopra ai monti tengono lor stanza  
ed han giurato di farvi morire! „*

*Sentenno chesto Carlo 'o mperatore  
c'avea perduto 'e meglie palatine,  
appannato accummencia a tremmà;*

*ma il vecchio Ugone dicette: — Signore,  
manda araldi per monti e per marine!  
Ammola 'e fierre! E nun te scuraggià!*

*XXI.*

*Subbeto Carlo manna na staffetta  
in Egitto, nell'Africa e in Anglante;  
trovati i palatini, in fretta in fretta,  
l'accumpagnasse 'n Frangia a tuttuquante!*

*Ognuno 'e lloro, comm' a na saetta  
jette piscanno Orlando e Bradamante,  
Linardo, Astolfo, Guido... Aspetta, aspetta,  
o Carlo Imperator, tutto tremante!*

*— o Linardo mio forte! o prote Orlando!  
o ferele Ruggiero! o Astolfo mio!  
Dove siete, raminghi, alla ventura?*

*Dove, o per chi, combatte il vostro brando?  
Ohimè c' or veggo il mio gran torto, o Dio!...,  
Guè! Se mettette na brutta paura!*

*XXII.*

— *Giesù, Giuseppe, Sant'Anna e Maria!*  
*Ncopp' 'o munno nce sta' sta razza 'e gente?*  
*Primma n' e mmana, e po'... Maronna mia,*  
*me fa veni barraggia! Tiene mente!*

— *Stente, si fosse Turco, 'accedarria!*  
— *Zi To', pe ggentezza, nu mumente....*  
*Rico accussì, nun è na ciucciaria,*  
*chesta, pe parta soia?.. — Sicuramente!*

— *Ma rich'io, po', Zi-To, che cumbinaie?*  
*Che facette 'o Magnate senza lloro?*  
— *Peppì, chillo veneteno, 'e guarriere!....*

— *Nu mumento! Aspettate! E che ne saie?*  
*“Carlo chiama i ministri a concistoro*  
*e chiama all'arme ciascun cavaliere „.*

*XXIII.*

*Tutti i guarrieri dal lor sire andorno,  
(ca vene a di' ca jetteno)... Sentite!  
Fravicatori i muri fravicorno....  
'Nzomma, pe v'a a fa corta, me capite?*

*Mmettetto surdate intorno intorno  
alle mura ca filino ben guarnite,  
ogne mumento si senteva il corno  
degli araldi squillar, che a giostra invite!*

*Cu tutto chesto 'o re cu a tremmarella  
priava a tutt' 'e sante 'mparaviso  
ca fosseno turnate 'e palatine!*

*Nu juorno s'appresenta Alda la Bella,  
'a mugliera d'Orlando, e smorta in viso:  
— Carlo! L'oste nemica s'avvicine!*

XXIV.

*Tanno, 'e ffemmene 'e tanno erano cose  
ca mo' sale pittate 'e ppuò guarda!  
Vocche addurose 'e zucaro e de rose,  
nocchie e' velluto fatte pe' ncantà!*

*Niente pumate e pòvere nguacchiose  
c' usano mo' nell'arda Società?  
Niente tente 'e capille, acque addurose...  
Erano scarde 'e primma qualità!*

*Stive llà mmiezo? E te cumprumettive!  
Eh mamma mia che robba prelibbata!  
Rrobba riala comm' 'o vino 'e Puglia!*

*Verive a una 'e chelle? E tu murice!  
Una vutata d' uocchie, una guardata,  
e t' appicciave comm' a na pampuglia!*

XXV.

*Femmene ca zumpavano a cavallo,  
pigliavano na lancia e na sfarziglia  
e jevano a fa guerra int' a nu vallo  
e currevano tappe 'e ciento miglia!*

*Tenevano 'a curazza 'a sott' 'o sciallo,  
'e gitante 'acciaro pe gitante 'e setiglia;  
'a guerra era pe lloro 'a festa 'e batto!  
levano frate e sore, mamma e figlia!*

*Basta: turnammo a nuie: steva cuntanno  
ca Carlomagno aveva avuto avviso  
d' o nemico che steva p' arriva...*

*Isso se mette a correre affannanno:  
— A me fedeli miei!..: Ma miezo acciso,  
Se nzerra int' 'a cucina... e resta llà!*

XXVI.

*Uh che nce fuie! Sentite! 'O sango a sciummo  
surreva per le terre del franzese;  
s'abbruciavano 'e ccase, e mmiezo 'o fummo  
s'avanzavano 'e truppe int' 'o paese!*

*Carlo pareva nu mbriaco 'e rumino  
e implorava il Signore a braccia tese,  
e nu turco, cu tanto nu sfranzummo  
faceva stragge, e a terra ha già distese*

*tre cumpagnie d' 'e nuoste! Allora 'o riesto,  
abbellito, vattuto, appaurato,  
avota 'e spalle, e se mette a fui!*

*'E macanzise appriesso.... Priesto! Priesto!  
Vittoria.... E sulla porta è inarberato  
il gran stannardo di Mametto-Ali!*



XXVII.

- *Ah carogne! Tezzune, trariture!*  
*E Gano po'?... — Chillo nun cumparesce!..*  
*... i maganzesi salgon per le mure....*  
— *Io Gano aggia vere quann' 'a fernesce!*
- *Ch'erano addeventate, orlature,*  
*'e francise, Zi-To'... — “Lo timor cresce,*  
*quanno se vede scenner dalle ardure*  
*auti mmulignanelle!... Il Turco accresce!...*
- *Poveri figlie!... Minano 'e maganzise....!*  
— *Secutate da 'e Turche.... E tutto chesto!*  
*Pe Gano!...— Nu schiaffiere!... Ma addò sta?*
- *Ma 'o libro dice si marette ucciso?...*  
— *.... In questo s'ode il rimbombar funesto*  
*d'una voce! — Curaggio!... Stammo ccà!...*

*XXVIII.*

— *Overo, neh Zi-To'?.... — Zitto! Mannaggia!*  
— *Erano 'e palatine?... Sì?...— Gnorsì!*  
*Bravo!... (Ciccì, me sta passanno 'arraggia!)*  
— *Ma tu comme s' chiòchiaro accussì!...*

*Perdevano 'e francise?! “ Oh! mai non caggia  
il valor della Francia! „ E vvire, vi!  
“ Ad altre terre, o gente turca, viaggia,  
io son Linardo!.... „ Mo' nc'è da sentì/*

*Se votta mmiezo su la gente fella....  
Che sciabbulate, neh! Ma chi v' 'o ddice!  
Comm' 'e mmosche carea la gente infida!*

*A Carlo lle passaie 'a tremmarella!  
o Carlo Mano, or tremar non lice,  
o doppo il chianto convien che si rida!*

*XXIX.*

*Lassàimo i palatini andar pel mondo,  
passanno sciumme, muntagne e desierte!  
Solo Linardo sta congittabbondo  
penzanno 'a causa pecche vanno spierte.*

*Arrivano al castiello d'Ariomondo,  
vedeno tutte li ffeneste aperte,  
na luce 'e fuoco, e in un antro profondo  
un alimalo spaventoso e inerte!*

*S'accostano: la fiera, risturbata,  
arape 'a vocca finanza a Vigliantino!...  
Ma Linardo ca sape 'o juoco 'e ccarte,*

*abbraccia 'a langia, dà na sperunata,  
e cu tutti 'o cavallo, 'a llà vicino,  
lle zompa mmocca, e ghiesce 'a Il'ata parte!*

*XXX.*

*Orlando, Astolfo e ll'ati cumpagnune,  
corrano, ntanto, sotto a stu castiello,  
s' arrànfano pe faccia a li balcune,  
e giungon nell'interno dell' ostello.*

*Dinto nce sta nu feto de ggravune,  
ca v' assicuro, nun è troppo bello...  
Vanno truvanno 'a ggente, ma nisciune  
accumparesce!... Era d' 'o Munaciello!*

*— Che facimmo? Scennimmo? Nce ne gamme?  
— Menamme quatto mazzate 'a cecate!  
dice Orlando; na cosa ne cacciamme!*

*E ditto nfatto, mena sciabbulate!  
Crolla tutto il castiello mmiezo 'e sciamme,  
e 'a sotto accumparesceno tre Fate!*

*XXXI.*

— *Neh, neh! dice Linardo, neh, venite  
sti piccerelle ccà quanto so' bbone!  
'A do' venite?... 'E qua' paese site?  
Vide site overe tre simpaticone!*

*Orlando dice: —Nun ce canuscite?  
Nuie simmo i palatin di re Cartone!  
Si ve mmitammo a cena... nce venite?  
E... sapite canta fronn' 'e limone?*

*Ma chelle, zitte! 'A fata, se capesce,  
nun po' parlà! Nun parla mai c' 'a ggente!  
Si no, fernesce 'o ncanto, e se traresce!...*

*Ognuno 'e chille a ll'ato tene mente,  
e penza ognuno: — Ccà, chi sa che n' esce!  
Nce avarranno pigliate pe sturiente!...*

*XXXII.*

*Ma dintò a nu mumento se fa notta  
e se fa niro 'o mare e niro 'o ciele!  
Ccà 'o libbro tene na chiammata sotta  
ca giura ca sti ccose so' 'vangele!*

*Uno 'a vo' crura, e n'òvuto 'a vo' cotta;  
è 'o fatto 'o chillo c' accattava méle!...  
S'appicceca, po' vene 'o votta-votta,  
more ucciso, e l'appicciano 'e ccannele!*

*Perciò, ccà è meglio ca turnammo a nuie!...  
'O certo è chesto, c' arrivatilo 'ntiempe  
'e palatine, mmiezo 'o fuie-fuie...!*

*'E francise repigliano miraggio,  
e 'o mperatore ca chiagneva sempe,  
mo' rire e dice: — E' stato n' acqua 'o maggio!*

*XXXIII.*

*E ride Carlo.... Ma Linardo no!  
Galoppa sempe cu la spata minano,  
cu ll'uocchie comm' 'o ffuoco...  
— Janimo, To',  
Jammo!—E va ncerca 'e chillo puorco 'e Cano!*

*Slangisi in mezze!... E mille n'ammazzò  
con un sol colpo! E: traritor villano!  
per tutto il campo attorno sì gridò,  
fatti sotto, assassin, cane, marrano!*

*E uccide e mai non sta! Ma 'o macanzese  
c' 'a sapeva cchiu longa de nu mago  
che buò truvà! È fuiuto? È muorto?... È vivo?*

*E allor sbruffando il palatin franzese  
de' Turche fa na strugge.... E il campo è un lago  
'e sango!... E se capisce! P' 'o currivo!*

*XXXIV.*

*E che veriste neh, llà mmiezo llà!  
'E ccàpe ruciuliaveno pe terra  
comm' a ttanta nucelle! 'E ssape dà  
Linardo nuosto, che! Cu chella guerra!*

*chilli nemice! Se vò vendica?  
S' 'a miso ncapo? Embè, piglia na sferra,  
na mazza, na cannuccia, e 'e fa scappa!  
E c'ammuina neh! Che serra-serra!*

*Gan da Pontiere intanto, salta in croppa,  
e abbandonando il campo suo, sen parte  
pe ffureste e buscaglie priesto priesto,*

*vere na casarella e llà Galoppa.,.  
Ma mo è fatt'ora, va, nzerrammo 'e ccarte,  
piacenko a Dio, a E auto ppoco 'o riesto!*



XXXV.

— *Limone, acqua, acquaiuolo!*— *Viene 'a ccà,  
ramme na giarra semprice!* — *Zi-Tò!*  
*'O macanzese po'.... Se fa acciappa?...*  
— *E un ce 'o dclicite!...*—*Cornine inasto Ntuò,*

*e site vuie!... Ma nun se fa afferrà,  
Gano 'e Macanza! Che ve pare, mo'!*  
*'A sape tanto longa!... Scapparrà!...*  
— *Gniernò!*— *Gnorsì!*—*Embè, Linardo, po'?*

— *'O spassatiempo!* — *Rì ciente 'e semmente...*  
*Addonca, ve ricevo: 'o palatino*  
*nun ll'assecuta? Nun l'arriva; che?*

*Vuò fa jl na scummessa? Tiene mente!*  
*Guè ma vi comm' è ttuosto stu Peppino!*  
*L'arrivarrà, Linardo; dente a mine!*

XXXVI.

*“... Lassàimo a Ganellone da Pontiere  
ca fuieva a Linardo a grand' imprese.  
A una casetta il traritor guarriere  
caloppa per sottrarsi dal franzese.*

*Venimmoncenne mo... Arriva e scese...  
Ganellon rio scennette dal destriere...  
Capite?... Facea càuro... 'O macanzese  
alla porta s' appressa, ed il cimiere*

*s'avea luvato 'a capo. Tuzzulea  
tenennose 'o cavallo pe la bbriglia,  
tuppe-ttu! Tuppe-ttu!... Fischino arape!...*

*Chesto comme se magna? murmulea...  
Chesto che vene a dì?... Ngruttisce 'e cciglia  
e picchia. Ma che nun non v' è non sape!*

*XXXVII.*

*Tuzzulea chiù forte. E che buò aprì!  
Quella magion era disabitata!  
Dieci anni avanti un mago vi morì  
lo guai viveva vita ritirata.*

*Gano nun sape niente. "E che vo' dì? „  
fa ncapo a isso. "Fosse abbandunata? „  
Aisulea... e lle pare 'e sentì  
muliebbra una voce... Era na Fata!*

*"Aprite, grida il sire di Macanza  
tutto arraggiato, stracquo, e cu 'a paura  
de Linardo ca 'o va piscanno ancora;*

*"Aprite! „ grida con oltracotanza,  
si no pe Cristo mo' sfonno sti mmura!  
Nzomma po' 'a Fata aprette, a la bonora!*

*XXXVIII.*

*Pe ttramente traseva, da luntano  
sente 'o scapulià di un destriere!...  
Uh ssanto Ddio!... E turco? E crestiano  
chisto che sta venenno? E nu guarriere....*

*La lancia in resta.... forse è mussulmano...  
Ma no! Una croce spicca sul cimiere....  
E' Linardo! Il bel sir di Montalbano  
che grida:—Empio felloni Gan da Pontiere!*

*— Ah finalmente! L' ha afferrato?...—'Accire?  
—S' 'o magna?—'O sbrana, a chillo traditore?  
— 'O spacca 'a capa, o no!—Mò! Nu mumento!*

*“ Egli è Linardo! „ di Macanza il sire  
ntartaglia, gialliato dal terrore....  
Zompa a cavallo, e allippa mane' 'o viento!*

*XXIX.*

*Nun ve vene ll'arraggia!?!.. Nun chiagnite?  
N' ati tire ppasse, e 'o steva p' afferra!..  
Io mo' songh' io... embè, che ve crerite?  
Patisco sempe, guarnì' arrivo ccà!...*

*Truvateme int' 'o libbro 'e megliè site  
d' 'e gguapparie cci fanno chilli Ilei,  
embè, verite vide si nun verite  
ca Gano scappa e nun se fa truvà!*

*Lo sa' che ssaccio? Quanno l'ommo è nzisto  
ca tu sai ch'è mmarvaggio, e si lle vene  
te mette 'n croce pure a Giesù Cristo,*

*ggiurace, ca chill' ommo e affurtunato!  
Campa cient' anne, e tutto lle va bbene!  
E chisto è fatto! Scìveto e ppesato!*

*XL.*

*Tu piglie a uno a uno 'e palatine,  
ggente ca te cumbatte pe na fère,  
embè, tu va te nforma a qua' festine  
se so' spassate chilli cavaliere!*

*Sempe 'n battaglia cu li sarracine,  
sempe vestute 'e ferro 'a capo 'o pere!  
Sempe cu li pericule vicine!  
Scanze oggi ch'illo ch' 'e scanzato ajere!*

*Mo' dinto a na funesta cu nu Mago,  
mo' dint' a nu deserto c' 'o lione,  
mo' cu nu serpe 'e fuoco o cu nu drago...*

*Piglia a Linardo!... Ch'illo quanno maie  
s'arrepusava ncopp' a nu paglione!...  
Me pareva Pascale Passaguaie!*

*XLI.*

*Pe far ve cchiù capace, chesta storia  
ll'ha scritta ll'arcivescovo Vurpino,  
n'ommo de cchiesa ca marette ngloria,  
nzieme cu Mmalaggiggio e re Pipino!*

*Miezo prèvete e miezo palatino,  
ch'illo sant'ommo, pe fforza 'e memoria,  
se signava ogne fatto, e ha scritto anfino  
a quanno è mmuorto cantanno vittoria!*

*E ch'isti ccà so' ffatte, tale e quale!  
Io nun ne levo e nun ne metto niente!  
'O libhro parla, e parla naturale!....*

*'E primme perzunagge 'e chilli tiempe  
nce perdèvano 'e meglie sentimento...  
E sti patate nce so' state sempe!...*

*XLII.*

*Io stesso, embè, cherè, nun so' ppatuto?  
Si me facite ll'atto cu sta vite,  
nun arrivate a farlo e so' ccaruto!  
Me vene 'o mmale 'e luna, che credito?*

*Pe tutt' 'o munno, a 'e cchiù desierte site,  
chill'atto è ato troppo canusciuto!  
Chiammàte 'e primme mierece e verite!  
Te piglia n'anziatà, c' uno è perduto!*

*Pecche? Pecche te pare ca Linardo  
signato cu!a bacchetta d' 'a fattura  
cade 'a cavallo e perde ogni virtù!*

*Pe me, m' abbatto comm' a nu mmalardo  
cuòveto dinto 'a scella, a na chianura....  
Quanno è caruto, nun se sose cchiù!*



*XLIII.*

*Nce Razziate? E addò sta cchiù 'sta ggente?  
V' 'o ffanno 'e Rre?... V' 'o ffanno 'e ggenerale?  
Tanno, restate 'acciaro stralucante,  
Mo' se po' ddì, ncartate int' 'e giuntale!*

*Tanno 'o guantiere ch'era cchiù alimale.  
a cuntà poco, ne stutava ciente!...  
Mo' vanno nterra cu nu sciuscio 'e viente!  
Mo' correno cu l'acqua turriacale!*

*Mo' si se tratta 'e secutà 'nu cane,  
va tutta 'a squadra, armata c' 'o cannone!  
E sparano, da mo' fino a dimane!*

*Quanti' io ero ggiandarme a Cardetiello,  
nu sorgente, 'e casato de Simone,  
si sghezzecava s'arapeva 'o mbrello!*

*XLIV.*

— *Embè, te faie 'a risa, Pascariè?...*  
*Chillo, zi-Tore, chillo ha Razziato!...*  
*'A ggente 'e core, tu n' 'o può sape,*  
*stevano pure 'o Cuverno passato!...*

— *Ma cu chi ll'aie?... Cu me?...—Proprio cu tte!*  
— *E te si' tanto brutto amarigliato?...*  
*Fusse palato 'e Francischiello, neh?...*  
*lo ll'at'anno so' stato cungerato!*

*Va llà, vattenne!., Miettete cu 'e vecchie!..*  
*'O ssaccio, che buò ri!... Si' cammurrista?...*  
*Ma nun m" a faie, na tiratèlla 'e recchie!...*

*V' o' fa causa, ca ncoppa Santa Rocco*  
*ll' ariere a ssera, int' 'a cantina 'e Lista*  
*nun l'aggio rato a bere, int' 'o tuocco!*

*XLV.*

— *Embè... si fosse pe sta mutivanza?  
Nu masto nun te chiamma all'ubherienza?  
Sì ppicciuotto?.. E picchiotto ' e qua' paranza?..  
Famme 'o ssapè, pe na cumpiacenza!...*

— *Gnè!...'T'aggio ritto! Io nun te rongo aurienza!  
Maronna mia, acconcia sta valanza!...  
Mo' me ne vaco, va! Vutammo 'a renza,  
si no ccà faccio avero na mancuanza!*

*Chillo è soggetto 'e pruvucazzione!  
Me fa n' aggrisso a me, pe ssenza niente,  
e po' se riesce... è Masto!... Aie raggione!...*

*Vuò ca te cerco scusa? Una parola!  
Stasera, rint' 'o vico 'e Sette-Viente...  
Signori belli!... Me fa male 'a mola!...*

*XLVI.*

*— Stasera?... Ma cher' è, nu spusarizzio?...  
ch'è, na figliata?... Ch'è, na funzione?...  
te so' ttanto ubbricato r' 'o servizio,  
ma j' frijo e magno!.. 'O Masto nzegna e mpone!..*

*Me staie facenno tanto 'avucellone,  
e che te crire, io nun te levo 'o sfizzio?...  
Stateve zitte vuie!... Chillo 'O guaglione  
sape ll'uffiggio suo!... Ten' unu vizzio!...*

*Ma quant' è vvera 'a Mamma 'e Munzerrato,  
io nun 'o tocco!... Ll'aggia ri' na cosa...  
Guardate ccà... nun stongo manco armato...*

*Vene na mosca?... Embè, uno n' 'a caccia!...  
Sarrìa na cosa overo curiosa  
si tu, a na mosca, lle ntaccasse 'a faccia!...*

*XLVII.*

— *Pozzo riceve io pure na parola?...*  
*lo songo 'o Cantastorie... nc'è purmesse?...*  
*Si v'avite spanzà, facite ampresse,*  
*ma si avite 'a parlà, ve faccio 'a scola...*

*A Pascariello lle fa male 'a mola,*  
*e si se ne vo' jì, ca se ne jesse!*  
*E don Ciccio ch'è viecchio, canuscesse*  
*ca ccà se campa meza vota sola!*

*Sai che succede?... Vuie v'appiccate,*  
*correno 'e gguardie, arrestano a cchiù d'une,*  
*pò vonno sapè 'o fatto comm'è state...!*

*E dopp' 'e chesto, ca se so' nfirmate,*  
*te fanno un'erba fascio 'e sti guagliune,*  
*e va pure Linardo, carcerate!*